

## PLEAN CEANTAIR ÁITIÚIL AN RINN ARD

### 1.0 COMHTHÉACS

#### 1.1 Suíomh

Tá An Rinn Ard suite ar Leithinis Uíbh Ráthaigh timpeall 5km siar ó dheas ó Chathair Saidhbhín. Tá sé suite ar cheann tíre níos lú ná 1km soir ó Bhaile an Ridire, Dairbhre atá scartha óna chéile ag an bhfarraige.



Fig 1: Léarscáil láithreáin don Rinn Ard

#### 1.2 Daonra

Níl aon tuairisceán daonáirimh ar leith ann don Rinn Ard féin. Tá An Rinn Ard suite i dToghroinn An Chathair.

#### 1.3 Feidhmeanna agus Áiseanna

Ceantar tuaithe atá sa Rinn Ard le hard-dlús tithíochta scaipthe tuaithe. Níl aon sráidbhaile ann agus úsáideann muintir na háite Cathair Saidhbhín dá riachtanais laethúla. Feidhmíonn bád farantóireachta chuig Baile an Ridire ó ché An Rinn Ard.

Tá teach tabhairne/bialann agus saoráid próiseála éisc suite ag an gcé. Úsáideann báid iascaireachta áitiúla, áirtheigh phléisiúir agus báid eile a bhaineann le turasóireacht an ché.

#### 1.4 Infreastruchtúr

Tá soláthar uisce poiblí ar fáil sa cheantar. Níl aon ionad cóireála fuíolluisce sa Rinn Ard agus níl sé beartaithe ceann a thógáil.

*Dréachtphlean Ceantair Áitiúil do Limistéar Feidhme  
Renard*

### **1.5 Foirm Uirbeach**

Tá forbairt An Rinn Ard tar éis díriú ar aghaidh na farraige. Tá teach tabhairne/bialann agus ionad próiseála éisc san áit. Níl aon lonnaíocht uirbeach sa cheantar, ach tithe aon uaire atá scaipthe faoin tuath den chuid is mó.

### **1.6 An Oidhreacht Tógtha agus Seandálaíochta**

Níl aon struchtúr atá faoi chosaint ná séadchomharthaí seandálaíochta cóngrach, ná laistigh de cheantar an phlean.

### **1.7 An Timpeallacht agus Taitneamhacht Nádurtha**

Tá An Rinn Ard le hais Chuan Dairbhre/Cainéal An Rinn Ard atá sainithe mar SAC, ina bhfuil samplaí tábhachtacha de sceireacha, góilíní éadomhaine agus réileáin láibe.

Tá an áit saibhir ó thaobh áilleachta agus conláistí nádúrtha. Tírdhreach cuíosach réidh agus oscailte ar bheagán crann atá sa Rinn Ard. Tá roinnt ionad caothúil chun faire sa Rinn Ard mar a bhfuil radharcanna lánléargais ar Chuan Dairbhre agus na cúlchríocha máguaird.

### **1.8 Trácht Feithicleach agus Coisithe**

Tá An Rinn Ard suite ar bhealach gnóthach agus is é an príomhbhealach chuig Dairbhre é ar an mbád farantóireachta. Nuair a bhíonn bád farantóireachta Dhairbhre ag feidhmiú ó Mhárta - Deireadh Fómhair bíonn sruth leanúnach tráchta tríd An Rinn Ard. Trácht áitiúil a bhíonn ann i gcaitheamh an gheimhridh.

### **1.9 Fostaíocht**

Rinne An Rinn Ard forbairt go traidisiúnta mar chaladh farantóireachta agus mar shráidbhaile iascaireachta. Tá *Kerry Fish Ltd.* suite ag Pointe An Rinn Ard agus é mar phríomhfhoinsé fostaíochta sa cheantar. Tá beogacht an cheantair agus a ghnónna beaga ag brath ar chaiteachas chustaiméirí ó na ceantair thuaithe agus turasóirí a bhíonn ag dul tríd chuig an mbád farantóireachta.

### **1.10 Gníomhaíocht Chuain agus Mhuirí**

Tá cé agus bád farantóireachta sa Rinn Ard a bhfuil ról tábhachtach acu maidir le rath leanúnach a bheith ar na hearnálacha muirí – taitneamhachta, fóillíochta agus turasóireachta sa cheantar. Tá tacaíocht do thionscal na hiascaireachta fós mar fhócas lárnach don ché. Is foinse tábhachtach ioncaim agus fostaíochta don cheantar í an iascaireacht agus cuireann sí go hindíreach le geilleagar an cheantair, trí easpórtáil agus próiseáil éisc.

Déantar turais bháid chuig Sceilg Mhichíl a thairiscint ón gcé, agus feidhmíonn turais mótarbháid ann freisin.

### **1.11 Fás agus Forbairt Cónaithe**

Forbairtí tithíocht scaipthe aonuaire atá sa cheantar seo. Tharla an-chuid forbartha ribíneach siar ó Chroisire An Rinn Ard thar na blianta agus thar na blianta bhí sé teoranta den chuid is mó don taobh theas nó taobh na talún den bhóthar.

Léiríonn leibhéal na n-iarratas pleanála fás i gceantar an phlean agus díreach móorthimpeall air. Is féidir fás a bheith inbhuanaithe má dheánann An Rinn Ard forbairt ar acmhainn le seirbhísí agus áiseanna a mhealladh. Dhéanfaí freastal ar an éileamh sa todhchaí ar thithe scoite lasmuigh de sin trí fhorbairt na tuaithe de réir pholasaithe an Phlean Forbartha Contae.

## 2.0 STRAITÉIS FORBARTHA

*Is í an fhís fhoriomlán don Rinn Ard ná saintréithe an phatrúin saineiúil na lonnaíochta scaipthe seo a choimeád, agus feabhas a chur ar an acmhainn turasóireachta.*

Leis an easpa áiseanna atá sa cheantar agus gan aon struchtúr sráidbhaile/lonnaíochta ann, leis an ngá atá ann tosaíocht a thabhairt d'infheistíocht sna lonnaíochtaí atá ann, agus a chóngraí atá sé do Chathair Saidhbhín ar ionad ceantair é 5km ó bhaile, níl sé ar intinn lonnaíocht nua sráidbhaile a fhorbairt sa Rinn Ard.

Is í an straitéis forbartha don Rinn Ard mar sin ná:

- A chinntiú go dtacódh forbairt sa todhchaí le ról agus feidhm reatha an nóid lonnaíochta mar nód beag iascaireachta agus turasóireachta.
- Ba chóir d'fhorbairt ceann athógáil de scála agus de shuíomh na lonnaíochta atá i dtírdhreach tarraingteach tuaithe.
- Ba chóir go spreagfaí forbairtí tráchtála a bheadh oscailte i gcaitheamh na bliana ar fad.
- Acmhainn iascaireachta agus slatiascaireachta an chentair a chur chun cinn ar bhealach inbhuanaithe.
- Acmhainn taobh na farraige / na cé a chur chun cinn ar shlí inbhuanaithe.

## 3.0 SAINCHUSPÓIRÍ

| Cuspóir Uimh. | Infrastruchtúr agus Saoráidí Pobail<br>Is cuspóir ag an gComhairle é:                   |
|---------------|---|
| ICF-1         | Éascú a dhéanamh ar leithreas poiblí a sholáthar sa Rinn Ard in aice leis an gcarrchlós |

| Cuspóir Uimh | Turasóireacht<br>Is cuspóir ag an gComhairle é: |
|--------------|---|
|--------------|---|

*Dréachtphlean Ceantair Áitiúil do Limistéar Feidhme  
Renard*

|            |  |
|------------|--|
| <b>T-1</b> | Acmhainn seoltóireachta agus iascaireachta/slatiascaireachta an cheantair a chur chun cinn |
|------------|--|